

Na osnovu člana 22 Statuta Brčko distrikta Bosne i Hercegovine („Službeni glasnik Brčko distrikta BiH“ broj 3/07), Skupština Brčko distrikta Bosne i Hercegovine na 51. redovnoj sjednici održanoj 26. juna 2007. godine, *u s v a j a*

**ZAKON  
O IZMJENAMA I DOPUNAMA  
ZAKONA O PAPIRIMA OD VRIJEDNOSTI  
BRČKO DISTRIKTA BOSNE I HERCEGOVINE**

**Član 1**

U Zakonu o papirima od vrijednosti Brčko distrikta Bosne i Hercegovine („Službeni glasnik Brčko distrikta BiH“, brojevi: 15/03, 27/04 i 42/04) (u daljnjem tekstu: Zakon o papirima od vrijednosti) član 5 mijenja se i glasi:

**„Emitent je dužan podnijeti Centralnom registru zahtjev za registraciju papira od vrijednosti, u roku od 15 dana od dana prijema rješenja o upisu u registar emitenata kod Komisije u skladu s odredbama ovog zakona i općih akata donesenih na osnovu ovog zakona.“**

**Član 2**

Član 15 mijenja se i glasi:

**„Emitent može emitovati papire od vrijednosti bez prethodnog odobrenja Komisije, u slijedećim slučajevima:**

- 1. kada je emitent Brčko distrikt BiH;**
- 2. prilikom simultanog osnivanja dioničkog društva u skladu sa zakonom kojim se reguliše osnivanje, poslovanje, upravljanje i prestanak dioničkih društava;**
- 3. emisije po osnovu pretvaranja zamjenjivih obveznica u dionice i**
- 4. u drugim slučajevima utvrđenim posebnim zakonom.**

**U slučaju emisije iz stava 1 ovog člana, emitent je dužan da o emisiji obavijesti Komisiju u roku od 8 (osam) dana od dana donošenja odluke.“**

**Član 3**

Iza člana 65 dodaje se novi član 65a i glasi:

**„Komisija nadzornim mjerama nalaže otklanjanje utvrđenih nezakonitosti i nepravilnosti te preduzimanje aktivnosti neophodnih za njihovo otklanjanje.**

**U slučaju utvrđenih nezakonitosti i nepravilnosti Komisija će rješenjem naložiti preduzimanje radnji koje pridonose uspostavljanju zakonitosti i usklađivanju rada sa zakonima i drugim propisima, odnosno izreći odgovarajuću mjeru propisanu ovim i drugim zakonima.**

**Rješenjem iz stava 2 ovog člana Komisija određuje rok za izvršenje rješenja koji ne može biti duži od 90 dana i obavezu da se Komisiji dostavi dokaz o ispravljenoj nezakonitosti i nepravilnosti.**

**Ako Komisija utvrdi da nezakonitosti i nepravilnosti nisu otklonjene rješenjem može izreći novu mjeru.“**

#### **Član 4**

Član 70 mijenja se i glasi:

**“Vođenje Centralnog registra organizuje se pod nadzorom Komisije.“**

#### **Član 5**

U članu 77 stavu 1, iza tačke 34 dodaju se nove tačke 35 i 36 koje glase:

**„35. ne podnese zahtjev u roku iz člana 5 ovog zakona ;»**

**„ 36. ne postupi po nalogu Komisije iz člana 65a ovog zakona.»**

#### **Član 6**

Ovaj zakon stupa na snagu 8. (osmog) dana od dana objavljivanja u „Službenom glasniku Brčko distrikta BiH“.

**Broj: 0-02-022-74/07**  
**Brčko, 26. juna 2007. godine**

**PREDSJEDNIK**  
**SKUPŠTINE BRČKO DISTRIKTA BiH**  
**Prof. dr. Milan Tomić, s.r.**